

PROCEEDING OF THE FIRST MIZORAM STATE LEGISLATIVE ASSEMBLY  
HELD AT ASSEMBLY HALL 19TH FEBRUARY, 1988 (FRIDAY)

1ST SITTING ON FRIDAY, FEBRUARY 19, 1988

PRESENT

PU J. THANGHUAMA, Speaker at the Chair, Chief Minister,  
17 Ministers and 21 Members were present.

ADDRESS BY THE GOVERNOR

1. Mr. HITESWAR SAIKIA, Governor of Mizoram to Address the House.

OBITUARY REFERENCE

2. Mr. LALDENGA, Chief Minister and Leader of the House to make obituary references on the following personages-
  - (1) Mr. M.G. RAMACHANDRAN, Chief Minister of Tamil Nadu
  - (2) Mr. KHAN ABDUL GAFFAR KHAN, Freedom Fighter
  - (3) Mr. L.K. JHA, Member of Parliament
  - (4) Mr. G.L. DOGRA, Member of Parliament
  - (5) Mr. A.G. SUBBURAMAN, Member of Parliament
  - (6) Mr. KARPOORI THAKUR, Member of Legislative Assembly (Bihar)

MOTION OF THANKS

3. Mr. K. Zahungliana to move Motion of Thanks on Governor's Address.

SPEAKER : Kan Governor zahawm takin kan House min  
rawn address a, a lawmawm em em mai a,  
a chungah pawh lawmthu sawi kan be a.  
Amaherawhchu vanduai thlak takin a copy a lo leak a, nei hi  
erawh chu kan Opposition Leader-in a point out angin enquiry  
kan la ang a, he copy pathum hi khawi atang a leak out ngo ?  
A tul angin action kan la ang.

\*PU LIANSUAMA : I hma a mi kha a ni em aw ? Pu Speaker, midang ta in lak sak chuan a ni pawh lak sak ve tur.

SPEAKER : Ka man ang. Chuvang chuan a vanduai thlak khawp mai. Min ngaihdam ka dile. A tul angin action kan lo la ang a. Khawi atang a leak out nge ? Engpawhnise tunah chuan a address-na kha a bu-in siam a ni a. Kan member-te hnenah a copy kha han sem teh u.

Hei vawiina kan programme dan ang chuan Governor-in thu a sawi zawh a 10 minute chawl lailawk ila. Chumi hgu ah chuan kan thu khawm leh ang a, tih a ni a. Amaherawhchu 10 minute han chhuah lai lawk a kir leh hi a buaithlak viau a. Chuvang chuan kan List of Business-a kan lo tih tawh, kan mi pawimawh tak tak sun tur te kan nei a. Chuvangin chhuak lovin kan tih tur ang chu tih chhunzawm mai ila, tiin ngaihdan kan han nei deuh a. Chu chu House-in ngaihdan han siam ila. Chhunzawm nghal mai tha kan ti tlang em ?

\*PU LAL THANHAULA : Pu Speaker, Opposition Leader-to kha i rawn tawh a ni lawm ni? Kan rem tih thu kan hriih tawh che a.

SPEAKER : PC lam atangin ka la hmu lova. Tha kan ti mai em ? House ngaihdanin kan kal ang a. Tunah chuan Obituary kan ti ang a, mi paruk lai tun hnai mai ah kan chan a. Chung chu suona neih te pawh a tha ang a.

\*PU LAL THANHAULA : Pu Speaker, motion of thanks on Governor Address kha a hmasa zawk lo maw ?

SPEAKER : Kha kha chu ti hnukung ila a thain ka ring zawk.

\*PU R. LALAWIA : Pu Speaker, kan lehkha semah khan a rual vak lo niin a lang a. Mahse Motion of Thanks kha tih hmasak a tha lawm ni ?

(Speaker : Chu pawh chu House thu a ni e)

\*PU ZOSIAMA PACHUAU : Pu Speaker, khawngaihin BAC ina kan Business dan tur a lo chuan lawk a te pawh kha kan approve phawt hma in kan kal zel mai dawn em ni ? Kha kha kan han in tawh hun hunah kan zawh chauh zawk dawn em ni ?

SPEAKER : A BAC kha chu next-ah kan approve dawn a, ..... obituary leh Governor Address atan mai tih e ni a. Kan programme kal zel dan tur kha chu kan next sitting ah. Tin, Panel of Chairman pawh kha next sitting ah kan ti dawn nia.

Ka hmuh dan chuan ni 3 ah an lo dah a, a e vanduai thlak hle mai. Keimahni Assembly Secretariat lamin kan lo la ang a, in rawn sawi chhuak leh a, a pawh khawp mai. A pathumnaah a awm a, a nih leh Motion of Thanks hi a inmiel tak miau loh ah chuan Motion of Thanks kha lak hmasak kan rem ti em ? Rem ti maw ? A tha e.

Aule, hei, motion a lo lut a, lawmthu sawina rawn move turin Pu Zahungliana motion rawn move teh se.

\*PU K.ZAHUNGLIANA : Pu Speaker, under sub-rule 3 of rule 16 if the rules of procedure and conduct of business in Mizoram Legislative Assembly, I, give notice of my intention to move the following motion of thanks on the 19th February, 1988. That an address be presented to the Governor of Mizoram and the following terms that the members of the Mizoram Legislative Assembly assembled in the session are deeply grateful, to the Governor for the address which he has been pleased to deliver to the Assembly on 19th February, 1988, Thank you.

SPEAKER : Aule, he motion hi chawhlehi ah kan sawi tlang hlawn dawn nia. Aule, tunah Obituary kan House Leader-in sawi a duh ngei ang a. Pu Laldenga, Chief Minister i lo sawm ang u.

PU LALDENG  
CHIEF MINISTER

Pu Speaker, tun hnai maiah vanduai thlak takin India ramin kan mi pawimawh tak ta mi 6 lai mai kan chan a, kan ran hian ho hrueitute a hlah zinga pakhat phoi chu Pakistan mi ni mah sela, India Freedom

Fighter ropui tak khawvelina a hnathawh ropuizia hriat-  
tham khawp a ni a. Chung mi 6 te chanchin chu an uiawm  
zia leh ram tan a an thawh nasat zia sawi loh theihniin  
ka hre lova. Kan hriat awm deuh a tlangpui chauh han sawi  
ila, mi lar leh hnathawh nasa te an nih avangin an  
hna thawh a kip a kawi a sawi sen a ni lova. Chuvangin a  
tlangpui pawr pawr han sawi ila.

A hmasa berin 24th December, 1987 khan  
Tamil Nadu Chief Minister, M.G.Ramachandran kan hloh a. A  
hmung lam pum chu Maludur Gopalan Ramachandran a ni a, Sri  
Lanka ah 17th January, 1917 a piang a ni a. An retheih a  
vangin lehkha thui tak a zir lova. Tichuan a lehkha zir kal  
sanin touring drama group ho a zawm vo ta a. Tichuan a tlei-  
vawl chhoh atangin lemchan lamah hian a lut nghal a ni. Tin,  
1936 Madras film siamna lamah a lut nghal a, film oh pawh  
film hrang hrang 200 laiah kum 30 chhungin a tang a ni. Tin,  
a film chan lar deuh deuh te pheih chu India ram chhim lamah  
pheih khu chuan mitin hriat a ni a. A ber pakhat Rickshow  
Karan 1971 a an siamah chuan chawimawina pawh a hmu a ni.  
Tin, lehkha zir thui lo mah se Madras University in Honorary  
Doctor an pe, a ni, a hnathawh ropui tak te avangin.

Ramachandran hian politics a luh tih  
lam chuan Congress Party a zawm ah 1952 khan DMK lamah a  
pakai sak ta a ni. Amah hi 1963 atang khan Legislative  
Council-an thlan a ni a. Chuta tang chuan Madras lamah  
active takin politics ah a lut a. A tirah chuan Congress  
party ah tanin DMK ah a lut chho a. Tin, an Chief Minister  
nen an inrem loh avangin party thar a siam ta a. Chu chu a  
boral ni thlang a a politics ah a boral ni thlang chuan  
chu party ah chuan a awm ta a ni. A mah hi film lam atang  
khan Madras pumah a lar tawh avangin hetia a ma puala party  
a han din avang hian a lar nghal em em a. Tichuan inthlanna  
chu ropui takin an hneh ta a ni, amah hi Chief Minister-ah  
an thlang ta a ni. A pawl thar din chu a tirah chuan ADMK  
a ni a, a hnu lamah erawh chuan AIDMK an ti ta a. Anna  
Dravida Munnetra Kazhagam an ti a. Anmahni taungin an vuah  
a ni.

Tun hnaia han sawi uar ber tur pakhat  
ah chuan India ram Chief Minister zinga lar ber pakhat a ni  
a. AIDMK ah awm mah sela Central Leader te nen lungrual tak  
a thawkin Central a Congress te nen an tang tlang ta a  
ni. Kawng tinrongah in hriat a thiamna noiin Madras develop-  
ment ah pawh hna ropui tak a thawh a ni. Ramachandran hian  
Abbaism, ti a vuah an pawl hnathawh dan kha amah ina a din  
chhoh a ni a. Lennism te, Marxism te, Gandhism te ang bawk  
a a sak a ni a. Amah hi helamah hian mi tlawngai leh mi  
retheite dawm kannam lamah hian a tangkai em em mai a. A film  
chan lai atang tawh khan mi retheite tanpui tu leh mi rethei  
te thian a lo ni tawh thin a ni. Chuvangin mi retheite a ngaih-  
san avang khan lohkhabu a mi retheite a tanpui an ziaaknaah  
chuan mi 85 lakhs lain chhunah mi rethei te te ten sa lei  
theih phah khawpin a enkawl thin a ni. Chuvangin Ramachandran  
hi Madras mi lar mai ni lovin India ram pum tan pawh a mi lar  
ber pakhat a ni a, a boral ta hi India ram a hloh lian em  
em a ni.

Tin, a thih hian a nupui hmasa zawk a  
sun avangin a nupui hnunung zawkin a sun a, fate a noi lo.

Tin, chu lovah chuan mi lar deuh mai hloh dang kan neih chu Khan Abdül Ghaffar Khan a ni. Hei hi India history-ah pawh ziak tham khawp a a hming lar tawh a ni a. Mi huaisen a ni a, a dam pawh a dam rei a. A mah hi Frontier a mi a ni a. Lar bor a kan hriat dan chuan Frontier Gandhi tih a ni. Frontier mite hi mi kawhseen leh indon hming mi an ni kumkhua a. An zing a non-violence a tuh lut thei mai hi khawvelin chawimawi tlak a an ruat a ni. Kum 1988 20th January-ah a thi a. Tin, a fate pawh hi Pakistan politics ah khuan a lar ber ber te an la ni. Amah hi Frontier Gandhi tia hriat a ni, ang bawkin Pakistan leh Mosolman zingah chuan Badshah Khan tiin an hre bawh thin. He hming pahnih chawimawina ropui tak tak hi amah ngaisangtu ten an pek a ni. Amah hi kum 1890 a Peshawar a piang a ni. Politics a a luh tih chuan non-violence a lo lut chu a ni bik lo. Amaherawhchu Gandhi a India ram hruaitu ropui tak thianah neiin a zirtirna te a dawng ve thin a. Chuta tang chuan politics ah hian non-violence ah a lut ta a ni. 1930 ah te khan Civil Disobedience vangin an man a. India Freedom Movement ah khan a tuar nasa ber leh a hruaitu lar ber te zing a mi a ni. Congress party ah khan a aum reng a, vawikhat chu presidenship chang ve la ti a an han rawn chhin pawhin, ni love, kei zawng sipaia piang ka ni a, sipaia ka boral dawn a ni, a ti hial a ni. Chutiang a mi huaisen leh tum ruh, a thu rin te keng tlang zel ngam mi a ni. Lung inah hian a tang zing em em mai a, a tan han belh khawm chuan kum 14 lung inah British Sorkar khan an tan tir a ni.

Amaherawhchu Gandhi a thian tha ber leh India ram thian tha ber leh India zalenna sualtu ropui ber pakhat a nih avangin a mangan leh a lawm nikhuaah pawh India ramah hian a lo zin thin a, thenrual tha tak tak leh a lo kaih-hruai ho zingah hun rei tak tak a rawn hming thin a ni.

Tin, a mah hi a thih dawn thleng khan Pakistan ah pawh an hnam zinga an hruaitu lar leh an hnam kai hruaitu bul ber pakhat a ni a. Amah hi Pathian hlau mi leh tih mi a ni a. Amaherawhchu Pathian tih mi a nahna avangin ni ange thih hlau miah lova, hriamhrei kong lova British Sorkar a dodal ngam. Tichuan Pakistan a a lo aum hnu hian a upa ta deuh a, a hriselna te a tha ta lova, India tamah treatment la in rei tak tak a lo aum a. Rei tak a nat hnu ah min boral san ta a ni. Amah hian fapa 3 leh fanu pakhat a nei a. Tin, India rama chawimawina ropui tak Barat Ratna pawh 1985 khan pek a ni bawh.

Tin, chu lovah midang pakhat kan chan leh chu Lakshmi Kan Jha a ni a. Amah hi Rajya Sabha member lo ni thin a ni a. Tin, private nursing home ah 16th January khan min boral san a. Amah hi kum 74 a nih a boral a ni. Bihar mi a ni Benaras Hindu University ah leh Trinity College Cambridge a lehkha zir a ni a. Doctor of Literature a hmu a. Tin, amah hi lehkha thiam leh mi lar a ni. Fana pakhat leh fanu pahnih a nei.

A thih khan kum 74 a ni a, Rajya Sabha a member ni lai a ni. Amah hian mawh phurhna hrang hrang tam tak a chelh thin a. Indian Civil Service (IAS) aum hma ICS a nih lai khan a lo tang tawh a. Kum 1936-66 inkar khan a tang a ni. Tin, Prime Minister Lal Bahadur Shastri-a leh Indira Gandhi te Secretary-ah pawh a tang tawh a ni.

Tin, Reserve Bank Governor-ah 1967  
khan a tang a. Tin, India Governor of the World Bank ah  
te khan hna a lo thawk tawh thin a ni. 1970 khan India  
Ambassador to the U.S. ah ruat a ni a. Bangladesh indo lai  
pawh khan India tan a tangkai tak a America a lo thawk tu a  
ni thin. Tin, kum 1981 khan Jammu & Kashmir ah khuan Governor  
ah a tang a. Tin, chu lo vah chuan Economic Administration  
Reform Commission ah khien Chairman a ni bawk a ni. Tin, 1984  
khan Rajya Sabha ah thlan a lo ni a. Tah chuan rinawm tak a  
ram tan a thawk a nih lai kn a boral ta a ni.

Tin, chu lo vah chuan G.L. Dogra, MP kan  
hloh bawk a. Amah hi Congress hruaitu lar tak a ni. A hming  
pum hi Girdhari Lal Dogra a ni. Tun 22nd November khan Delhi-  
ah kum 72 mi niin min boral san ta a ni. Amah hi Dogra hnam  
a ni a. Jammu & Kashmir State a piang a ni a. 1915, July ni  
17 khan, Samba ah leh kha a zir a. Tin, Hindu College Amritsar-  
ah a zir leh a. Lahore-ah Law graduate a ni a. Tah chuan High  
Court-ah te Ukil angin a practice bawk a ni.

Tin, nupui Sakuntala a nei a, fanu 2  
an nei.

Kum 1984 khan Dogra atang a thlan  
chhuah a ni a. State Cabinet Minister ah a awm ve a. Tin,  
chuta a thawh lai chuan Finance leh Planning Board te a chang  
a ni. Amah hi 1980 khan Lok Sabha ah thlan a ni a. Udampur  
Parliamentary Constituency (Jammu & Kashmir) ah vanduai thlak  
takin tun November thla khan min boral san ta a ni. India ram  
tan a mi tangkai leh mi tum ruh huaisen tak a mahni in ngaih-  
tuah lova ram leh hnam tan mi a ni a. Kan chan ropui hle a ni.

Tin, chu lo pawh chu mi ropui tak leh  
hnam tan a inphal mi Subburaman kan chan a, Congress I MP bawk  
a ni a, Madurai-ah kum 7 khan a boral a. Amah hi a thi  
hma a, kum 58 mi chauh a ni. Madurai ah 12th June, 1930 thla a  
piang a ni. Nupui Saroji 1951 khan a nei a. Tichuan Congress  
a politic hi a tan zel a, Congress Committee ah te a intan  
chho a, rei tak Congress a a thawh hnu in President-ah anmahni  
Congress District President-ah Madurai Municipal Council-ah  
Chairman ah thlan a ni a.

Tin, chumi  
hnu ah chuan Madurai Constituency ah chuan 1981 khan MP ah  
thlan a ni. Amah hi ram tan a inpe mi a ni a. Tin, a thawh tirh  
ghat atang khan party pakhat ah insawn hauh lovin a thurin a vuan  
a, a boral thlengin rinawm takin an party leh tam tan a thawk  
a ni. Tin, a nupui leh a fapa pahnihte leh a fanu pathumte a  
boral san a ni.

Tin, chu lo chu Karpori Thakur kan sun  
bawk a ni, Ani hi Lok Dal 'B' hruaitu a ni a, kan hre theuh  
awm e. Tun hma khan Bihar Chief Minister a nih thin kha. Tun  
thla ni 12 a boral kha a ni a, Heart attack in min boral san  
a ni. A mah hi kum 67 mi a ni.

1921 khan a lo piang a, Quit India  
Movement 1942 a mi kha a zawm ve a, thla 26 jail-ah a tan  
pah a ni. Amah hi Congress Socialist Party ah a lo chho  
a, 1948 khan Socialist Party ah a awm ta a. Tin, ram tan a  
thawkin a a hun zawng zawng a khawh ral a. India Independent

atan a tangkai taka hna thawk tu a ni bawk a, tum 5 jail-ah a tang a ni. Tin, Provincial Kisan Committee a Secretary a ni a. Bihar Socialist Party ah 1948-52 inkar khan hna nasa takin a thawk a. Socialist party ah hian kum 21 a aum a ni. Tin, amah hi All India SSB ah Chairman a ni a, kum 1970-72 khan. Tin, kum 1952 atang khan State Assembly ah aum thin a, Deputy Chief Minister a ni ta a ni. Amah hi ram ngaihtuah mi leh mi rotheite ngaihtuah mi a ni a. Chuvangin a boral hi India ram hian kan chan lian em em a ni.

Pu Speaker, India ram in tun hnai nai a a fa ropui tak tak 5 leh a thian ropui tak tak a hloh hi vawin. Kan House zahawm tak hian a sun a. Tin, han puan chhuh leh theih pawh a ni lova. Anmahni kan sun zia hi vawin nuah ka han sawi chhuak ve a ni e.

Ka lawm e.

SPEAKER . Awla, kan House Leader-in kan mi pawimawh tak tak mi 6 tun ngaia kan sun tak te kan House-in kan uizia a rawn sawi a. Kan member zing-atang pawhin sawi tur kan aum ve nualin a rinawm a. S A hmasa berin kan Opposition Leader Pu Lal Thanhawla lo saum ila. Chumi zawhah chuan member-ten kan sawi dawn nia. Amaherawhchu a nazawng chuan kan sawi thei vok lovang. Pu Lal Thanhawla i lo saum ang u.

\*PU LAL THANHAWLA : Pu Speaker, kan Chief Minister zahawm takin tun hnai maia India mi ropuite leh India zalenna sualtu ropuite an boral tau leh sunna thu a rawn sawi a, a sawi famkim viau tawh a, sawi tur tam tak a aum tawh lova. Tlem a zawng kan ui thu leh an lo nih tawhna then then to pawh sawi ve ka duh a.

A hmasa berin Pu M.G.Ramachandran, Tamil Nadu Chief Minister boral ta kha tunlai chhanah India ngel nghehna atan a mi ropui leh India ram pumpui a an ngaih ropui ber pakhat a ni a. A lar me em a, a hming pum a koh pawh a nga lova. M.G.R. tih chuan India ram mi zawng zawngin kan hre mai aum e. Chutiang khawp a lar chu a ni. Tin, a political carrier a tanna chu Congress a ni a. Nimahselapun engemaw chen hnua DMK ah a lut a. Tin, DMK ah rei tak a aw hnu in an hotupa nen an ingeih loh avangin ANA DMK, DMK hmu chhuaktu Anadun hming chawin a siam chhuak a. Tin, filmstar lar tak film 200 vel laia chang tawh a nih avangin a bikin Tamil Nadu ah chuan hre lova ruang an aum lova. Chuvang chuan pawl thar a din pawh chuan cinema a lo ngeisangtu tam tak khan an zui nghal a, rem lote ah Sorkarna a lo chang ta nghe nghe a ni. Tin, hetia Sorkarna a lo neih hian Central a ruling party Congress nen inthian the takin an aum a. Central a thawhpui a fak mai lovin an State ah pawh chutiang chuan thawhpui thein mahni tan a hming thatna zawng lovin Central ropuina leh tanpuinaa thil ti an nih te zep lovin a puangzar a. Chuvang chuan Central tanpuina pawh a hmu tha ber pawl a ni nghe nghe a ni.

Tin, India ngel nghena tur a ban a thawhna kaungah kan hriat thauh angin Tamil Nadu ah chuan India hmar lam tawng an ngaih Hindi tawng te khu a lar em em a. Inti regional takin regional party to chuan hna an thawk thin e. Ani erawh hi chuan India ram ropui takah hian India khua leh tui kan nih phawt chuan mi tam bor te tawng te, nungchang to pawh kan zir ve zel tur a ni. Chu chu India ngel nghenna tur a ni, tih hria ama mipui ngeite pawh Hindi tawng zir turin a fuin a, a thiam tir e ni, chutiang chu a ni. Tin, Sri Lanka Tamilian mi maktadaui engemaw zet Sri Lanka Sorkar atang a an lungawi loh in chungho chu Sri Lanka Sorkarin tharum a beih a tih chimih an tum in ama chipuite ram dang a awmte chu chutiang a tih phal lovin India Sorkar laipui ah theih patawpin chung ho chu tih chimih ni lova zahawm zawk a chu ram nen a romna an neih theihne turin theihpatawp a chhuah a. Tichuan kan hriat angin Sri Lanka Accord te peih a lo ni. Nimahsela chu accord chu Sri Lanka a zalenna sualtu pali panga zing a lian ber LTP an tih chuan a tirah pawm mah sela a inzuk a inzuk a, a inzuk chho zel a, a ral ti tih te mai a. Vanduai thlak takin Sri Lanka a buaina chu a reh chuang lova. Amahorawhchu India Sorkarin sipaite tirin remna a awm theihna turin leh chu inremna chu a tir a pawm siin zah lova tih buai an tum leh tak avangin chung chu hmet mit turin vawin niah India Sorkarin remthu sawi a ban phar a ni a. Hengte hi India ramin a ngaihsanna chhan leh India ngel nghenna atan a thawhna India Sorkar leh mipuitena an ngaihsanna chhan a ni a. Chutiang tak a ropui leh thawk nasa chu a nih vangin a thin hnu a India ram a Civil mite chawimawina sang ber Ana Chakra kha an pe ta nghe nghe a ni. Chutiang mi chu a ni a. Vawin nia kan lo chen ta hi keini Mizoramah chauh ni lovin India ram pumpui ah nasa takin an ui a, an ui thu nasa takin kan Prime Minister te, kan President te meuh pawh in ni dang a an tih zen zen loh, a vuineah te pawh kalin chutiang chuan India ram pum puin an uizia an hriatna turin kan ram lu ber ber te pawh in chibai bukin an thlah liam a ni.

Tin, India thian ropui ber pakhat leh India zalenna atan a hruiatu ropui ber pakhat Kaa Abdul Ghaffar Khan a thi a. Khawvelo an hriat lar dan chu Prontier Gandhi tih leh Padshah Khan tih a ni. Hemi hi kan ngaihthlak tawh ang khan hnam kawhsen tak North Eastern Frontier province an tih vela Pathan hnam zing a mi a ni a. India zalenna sualna kaungah theihpatawpin Congress atangin a bei ve a. Nichina kan ngaihthlak tawh ang khan nihna lam duh ni lovin a sualtu a hmanrua nih lampang thlang zawk in chutiang chuan a bei chho a. India hi Mosolman leh Hindu ram ang a then kha a duh lo ber tu te zing a mi a ni a. Mahse khatia then a loh nih khan Pakistan lamah a bei lo thei ta lova. Nimahsela Pakistan-in an ram a ngaihthah dan te leh a enkawl dan that loh avangin ama ram bik deuh, a chipuite tan Pachunistan Liberation Movement bein theihpatawp a chhuah a. Chumi avang chuan amah leh a chungte pawh Pakistan Sorkarah an tlatlum lova. Tun a hun taup dawn lamah pawh hrisel lohna leh harsatna a tawh in India ramah a rawn kal thin a. Chutiang chuan India Sorkar pawh in India khawmualpui zalenna atan theihpatawp a sual a tharum thawh lova Pu Gandhi a zirtirna pawm a theihpatawp chhuah tu a nih avangin a thin thlang in tha takin an lo enkawl a. a.



Tin, Pakistan Sorkarah a tang reng a. Kumpinu hun laia kum 14 lai a tan hnu ah pawh Pakistan Sorkarah pawh tan inah a tan loh pawh in ama chenna inah tang angin an enkawl thin a ni.

Tin, a fapa hmingthang tak Khan Abdul Wali Khan chuan a pa peih loh deuh hnu ah pawh an struggle chu chhunzawm chhovin vawin niah Pakistan famah pawh political ropui ber te zing a mi a ni nghe nghe a.

Nimin piah vel Khan heng obituary referencce te hi kan sawi dawn a ka hriat avangin an chanchin hriat loh lutuk chu tiin Assembly Secretariat atangin an chanchin tlem ka va dil a. Chutah chuan phur takin an ni pawhin min lo pa a. Mahse min rawn pek ve ah chuan chuan 1980 ah an pian tir a, a naupang lu deuhin ka hria a. A chungah kum 97 a upa an ti bawk si a. Tin, 1890 ah a piang ti dawn ila, kum 107-a upa a ni dawn si a. Chuvengin a kum zat chiah a hi a history dang a ka lo chhiar loh avangin ka buai deuh a. Min pekah chuan 1980 ah an pian tir a. A chungah kum 98 mi an ti bawk si a. Chuvang chuan a kum thu ah hian ka buai ta rih a ni. Tin, a pheh chung lam a an ziak dan chuan a nupui neih atang a kum thumah a nupuiin a thih san a, tichuan fapa pahnih a nei a, tih a ni a. Mahse a tapna lamah fapa 3 leh fanu pakhat a thihsan a, tih a ni leh a. Chuti a nih chuan a nupuiin a borai san hnu hian sawn a nei nge enge ni ka hre ta lova, chulai chu sawi ngaihna ka hre lova. Engpawhnisela amah hi mi ropui tak a ni a. Khawvela remna a thlenna atan pawh theihpatawpin India Sorkar thawh dan policy te tanpui a, India mi ang hrim a bei tu a ni. Chutiang mi chu kan lo chan ta a. Pa huaisen tak, pasal tha tak a nih a rinawm a. A dam lohna hreaum tak hi a tuar rei em em a. A hruk a fei em em a ni. Engmah hre mang lova a awm ringawt pawh hi thla tam tak a ni a. India ram sap a chanchinbu te kan chhiar chuan a dam loh thu leh 'coma' ang deuh a awm thu report te hi kum engemaw zat kan chhiar a ni. Pa ropui tak a ni. Chutiang ang mi chu a nih avangin leh India ram tan a thawk tu leh thian tha a nih zui zel avangin India Sorkarin chawimawina ropui ber Para Chatna a pe nghe nghe a ni. Hemi an pek ni a a fapa in a pa aiawh a a dawn ni hian ka awm ve a, a fapa Khan Abdul Ali Khan te nen pawh hian kan inkawm ve a. Mi hlim thei tak, India thian tha tak a nih zel tur dan te a sawi nghe nghe a ni.

Tin, Pu L.K.Jha hi tunlai India ch chuan economist ~~am~~ lama ropui ber te zing a ngaih a ni a. Finance Commission atang pawhin a ngaih dan te thlirin vawin ni thlengin a ziak eng engemaw min advise-na kan kawh nghe nghe a. Chutiang khawp a India Sorkarina a lo rawn thin a ni a. Tin, Kumpinu hun lain India Civil Service ah awmin chumi hnu ah chuan India Diplomatic Service ah te awmin kan ngaihthlak truh ang khan hun khirh ber lai India ram leh America Sorkar inlaichin na a harsat ber lain America S a kan palai a ni a. Chutah pawh chuan a hna zo takin a thawk a ni. Tin, chutiang economist ropui tak a nih avang chuan Indian ..... Governor hmasa ber a ni a. Tin, Reserve Bank of India ah pawh Governor rei tak a thawk tawh a. Tin, tuna a active service atang a ban hnu pawhin kan Prime Minister Pu Rajiv Gandhi hian economic adviser atan kum khat leh a chanve lai an inhrawn a. Chumi hnu ah Rajya Sabha member lo niin tun hnai mai khan min lo borai san ta a ni. India ram hmel ram pawn lama ti tha tu leh khawvel hnam hrang hrang te inkar a remna a thawhnaah pawh a ban har nasa ber pawl a mi a ni.

Tin, Pu G.L. Dogra hi a politics carrier a tan atangin Congress atang a tan a ni a. Khulai Kashmir-ah Abdul-ah te chhungkua in independent an tum te leh India atang a inlak hran an tum lai pawhin India tan theih pa tawp a thawk zhhò a, chutiang a bei chu a ni a. Tin, tun hnai mai a Fakrul Abdulah ah Congress thawk ho i-la tih pawh khan thawk ho lova keimahni ke a kan gin chhoh hi a dik zawk ang ti a ngaihdan nei tang tang a ni a. NIL mah sela mi tam zawk ina kan thawh ho hi kan State tan a ni ang e an tih hnu chuan lungawi takin a thawk chho ve ta mai a ni a. MP a lo nih hnu pawh khan anmahni State ah Deputy Chief Minister tur pawhin an han ti na in amah zawk hian tulin a hriat loh avangin a zawm ta lo a ni. Chutiangin mahni ham thatna tur ni lovin party atang a an ram leh India ram tan a thawk tur a theihtawp chhuah mi a ni a. Chutiang a mi ropui, mahni tanghma lo hai lo mi chu tunah hian India ram in a lo suh leh ta a ni.

Tin, Pu Karpoli Thakur hi India ram leh India Sorkar laipuah te Janata hun lai te pawhin nihne chelh lo ni mahsela tun laian chuan kan hriat ler ber pawl a ni a. Ama state ah Congress atangin politics a tan chho a. Nimahsela hun engemaw chen atang khan Socialist party hrang hrang ..... thawkkhat lai phei chu India ram pumpui a Socialist party chairman-ah te pawh a teng a. Tin, Bihar Chief Minister tum hnih lai a nih tawh hnu in tunah hi chuan All India ..... a pawm ve te zing a mi a ni a. Lok Dal ch nasa takin hna a thawk a. Lok Dal a an hotu panga zingah a ber te zingah a tel ve a ni. Tin, anmahni state Bihar ah theih tawpin hna a thawk chho a, a state-a a larna ber pakhat chu lo nei mite harsatna hre chiangin theihmatawp a hna thawkin chutiang pawl te chu dingin a mah ngei hi a hruaitute zing a mi a ni reng thin a ni. Chutiang chu nimin piah lawkah zinga exercise la a kal lain lungphu chawlin a boral a. India ram pumpui tan channa nasa tak a ni tih hi kan za in vawin ni ah hian kan hre tlang aum e.

Tin, A.G. Subramanian hi MP a ni a. Kan ngaihthlak tawh ang khan politics nun a tan tih te atangin Congress a aum ngar ngar a ni a. Hniam te atang a tanin party inkaihhrueina lian ber te zingah a thleng a chho a. MP lai lo riin chutiang chuan anmahni state mai ni lovin India ram pumpui tan a lo thawk a ni.

Heng mite hi tun hnai maiah India ram in kan chan a, Kan hriat tawh ang khan kan theihtawp a he ram tan a lo thawktute hi an ni a. Chuvang chuan India ram pumpui pawhin a ui em em a. Tin, Pu Padshah Khan kan tih pawh kha India khua leh tui ni tawh lo mah selangin India zalenna sualnach theihtawp a lo thawk tu zing a mi riin loh theih loh a Pakistan lam a phei hnu pawhin Pakistan leh India Sorkar inthian that theihna tur atan a thawktu a ni a. A thih ni thlengin India thian tha ber te zing a mi a ni. Chumi avang chuan kan Prime Minister leh kan Vice President meuh te pawh a vuinaah an va kal ve hial a nih kha. Heng mi kan chan ta hi an uiawm hne a. An dam chhung a an hna thawh that te atang hian keini pawhin zir tur kan nei ang tih ka ring a. Chung chu kan sawi lan pah in vawinah kan uizia ka rawn lan tir ve a ni.

Ka lawm e.

\*PU K.L.LIANCHIA : Pu Speaker, opposition leader-in a sawi ang a, chumi hnu ah member in i ti a. Hei, e opposition group hnih kan aum a. Kan Congress unaut e hi in recognise chuang lova, recognise loh an ni a. Opposition group ve ve kan ni a, recognised party ve ve kan ni a. Chuvangin kan danglamna engmah a aum lova. A til tam na na na chu reference pek dawn pawhin kan thik hauh lova. Amaherawhchu nikumah kan Deputy Speaker-in heti hian a ti tawh a. Chuvangin opposition Leader ten chance an neih chuan keini pawhin kan nei ve tur a ni dawn lawm ni ? Khami kha tun hnu an pawh hriat reng atan a tha ang. Chuti lo onu keini helaia lo thut kawih reng kha a aumzia a aum lo. Engnge kan danglamna ? recognise law law mai ila, recognised opposition party chu kan thik chuang hauh lova. Mahse recognise loh ve ve kan ni a, equal treatment kan phut flat a ni.

\*PU ZOSIAMA PACHUAU : Pu Speaker, India rama hrunitute 6 lai kan chan a. Hemi chanchin leh an hna thawh that te kan hotu-ten Chiang takin an sawi tawh a, a detail a sawi ve leh kher pawh ka tum lova. Amaherawhchu hetia kan lo chan takeh hian engnge anmahni ah thil tha an thih tawh hnu hian kan la put darh zel tur hi han sawi lon ve zawk ka duh a.

M.G.Ramachandran hi Tamil Nadu a Chief Minister a nih avang a ropui mai -- ni hian thenkhat chuan an ngai thin a. Tam tak chuan India rama Chief Minister pakhatah kan pawm ve a ni mak a. Hemi bak hi ropuina dik rieu neilin ka hria a. Pakhatah chuan Chief Minister hi a thlangtu party hian ropui an ti em em a. A opposition leh party dang lah a chep lam a mite phei chuan engmah lova an ngaih Chief Minister kan nei nual tawh a ni. MGR hi chu Tamil aumna ah phawt chuan hotu an rin a ni a. A thlangtu leh thlang lotu te pawhin hotu a an en a ni a, Mizo tawh phawt chuan hotu ah an en a ni e, tih ang deuhin Tamil hnam Malaysia a aum pawhin MGR hi hotu ah en a ni a. An enna hian chhan a nei a. Amah hi a hna thawh ah a inhmag ze em em a, film a chan lai chuan filmstar tha tak a ni mai a, film a chhuahsan hnu hian politics ah a lut a ni mai a. Politics a khelna chhan hi mipuite tan a nih avangin mipuite tan a thawk ngawr ngawr mai a. A chanchin chanchinbu ah pawh han en thin ila, fanau a neih loh vang mai pawh an ti thei ang a, a chungkhat laina te a duhsakna sawi lan tur tumahin an hre lo a ni. Hei hi mi ropui tak ni lo thei lo a ni. India in Indo-Srilanka accord a siam dawnin America rama damdawi inah aum mah se kan Prime Minister pawh hian enge a ngaih dan la turin mi rintlak tawh a zuk tir vang vang a, a remti nia an hriat avangin an sign a. Chutiang a tihna chhan pawh chu a fel avangin an ring a, a fel lo pawhin an ring a ni. Kha kha a ropui hlein ka hria a.

Tin, India Sarkarin opposition party a rin em em, a pawlten an rinhleth chuang si loh a ni a. Hetion hi India rama Chief Minister kan ngah lo hle a. Tin, chu pakhat mah hi chutiang a a dam loh lai bakah a dam loh hma a thawh that lai pawh khan Tamil Nadu a aum reng reng chuan a mipuite an thlamuang thin a. Hei hi kan Chief Minister te tan chuan han entawn mai atan a tha aum mange aw tihna ka neih avangin ka saw mai a ni. An dam phawt chuan offic an kai emaw kai lo emaw mi in thlamuanna bulah an hmang a ni. Kan chan ropui hlein ka hria

Tamil mipui leh India ram mipuiten kan ui kan tih lai hian India ram Sorkar hian a ui ngawih ngawihin a lang a. Sri Lanka a Tamil ho khuan an ui ngawih ngawih bawk a ni. Chutiang mi chu kan lo chan s, chan tawh mah ila khatiang ni ve thei tur khan kan hotute hi in la aum turah beisei ila. Chu chu kan sawi chhuah chhan ni seli.

Tin, Khan Abdul Ghaffar Khan a hi kan hotuten an sawi angin mi fierce lutuk, pa thin thawk mi, mahse pa nem duai mai, mipuite rorelna democracy ngaina mi a nihna hi a ropui hle a. A chanchin kan chhiarna pakhatan chuan a ni hi thalera tui chhuanchhuah ang a ni, an ti a. A chhan chu Pakistan ah democracy duh an aum lo tihna ni lovin duh tlat, hlawhawma karah pawh duh tlat. Amaherawhchu mi a duh zawng an duh loh vang a bei mai ni si lo, non-violence nei reng si a khatiang a aum kha a nih avangin an ngaisang em em a. A thenin, vur ram a mei vam ang a ni, an ti a. Khatiang Khan hersatna karah pawh mipuite tan a dikah pawh ding ngam tlat a nihnaah chu chu kan lo chan takah chuan han sawi leh mai mai ka duh a ni.

Tin, L.K.Jha hi India remah nei lo ta ila, vawiin ni a economics a kan sang ang hi chu a ni lovang, tiin an ziak a. A chhan chu mi thiam mai ni lovin mi inhmang mi a ni a. Kan ramah hian mi thiam kan ngah tawh hle a, scientist ropui tak tak, a paper ah pheih chuan doctorate tam kan nei a ni. Tin, Kawng hran hranah degree neite hi chu kan ngah a. L.K.Jha hi chu Governor a aum pawhin Jammu & Kashmir ah politics Sorkarna berah pawh a awp dai thei a. Reserve Bank a aum laing a ti tha hle a. Americaa a aum lain India leh America, inla kchinna a tha em em a. A bik takin Bangladesh a buaina a chhuah lain a heluiah pawh khan zaizapin a zuk tir a. Tin, kan planning hi a thluak tak tak chu L.K.Jha hi a ni. Chutiang mi ropui kan chan chu a uiawm tak zet a. A nupui fanau chu ka khawngaih lo ka tihna ni lovin amah ka ui lutuk na lamah a nupui fanate zawng zawng ai hian leh India rama mi tam tak thluak hmang tha duh lo ho ni hian amah mimal hi India Sorkarin a mamawh em em zawk a ni. Chu chu kan sawi duh a.

Tin, kan MP pahnih G.L.Dogra leh Subramaniam a te hi an chanchin ka hre lova. Karpoori Thakur hi vawi hnih lai Chief Minister in Bihar ah a aum tawh a. He pa hi ropuina em em mai a neih chu kan Opposition Group Leader Pu Hawla'n a sawi kan hre tawh a, hna thawk tute thian a ni a, mi retheite thian, an ti zawk a. Mi retheite thian nih hi a hahthlak hle a, mi hausa leh IAS officer te thian nih hi chu a nuam viawu thin a, contractor te thian nih te hi a nuam a. Amaherawhchu Karpoori Thakur hi chu politicse a khel tan atangin a thih ni thleng Khan mi retheite thian a ni a, mi hausate a bulah an inleng ngai lova, mi hausa te nghanchhanin politics a khel ngai lo. Chu chu a ropuina a ni a. Kan hotute hna bakah chuan min boralsah tawh mah se an chanchin kan hotute leh member zahawm tak takte leh Zoram mipuiten hriat rengma tur a ni a, ka hriat ve ka pawn sawi ve a ni e.

Ka lawm e.

SPEAKER :

Aw le, Pu Hrangdawla a ding ve a.  
Mihring an tam deuh a, i lo sawm  
ang u.

\*PU H.HRANGDAWLA :

Pu Speaker, vawinah mi G lai  
India ram politic a hrucitute  
kan chan zingah hian sawi tur  
pakhat nei vein ka inhria a. Chu chu sawi kan dil che a  
ni. Min phal sak a, ka lawm hle mai.

Kan hotuten an sawi ang khan  
vawina kan sunte zingah hian India ram zalenna sualtu  
pakhat a tel ve a. Chu chu Khan Abdul Gahaffar Khan a  
ni a, kan hre theuh a. A chanchin hi kan chhian tam ber  
pawl a ni a. Chuta ka hmuh chhuah ah chuan zalenna ngaisang  
mi a nihna hi chawimawi tlok a niin ka hria a. Vawin nich  
Mizoramah zalen takin democracy sorkar kan din a. Chumi India  
khaumualpui a la lut tu te zinga pawimawh ber a nihna avang  
hian he House leh Zoram mipui, India mipui ten ni lo thei  
niin ka inhre lova. Tin, India ram zalenna an sual laia taima  
tak a a thawna e hun chhung zawngah khan a beisei ber chu  
India khaumualpui a Sorkar pakhat ropui tak ding tur a ni a.  
Mahse a tum angin India ram boruak a lo kal ta lova. Muslim  
leh Hindu an lo inthen k dawn ta a. Chuta a thu sawian pawh  
ram ropui tak a Sorkar ropui tak lo ding tur a chu a  
keh dawn a ni awm mange, lo ti hial a ni a. Tichuan Hindu leh  
Muslim an lo inthen dawn khan opposition leader Pu Hawle sawi  
ang khan inthen loh a duh a. Mahsela a hlawhtling ta lo tih  
chu kan hre theuh a. Tichuan India Sorkar chuan a gumna tam  
ram Pakistan lam a a beh dawn avangin a hnenah India ram a  
awm ve turin an ngen a ni. Pakistan a a kal chuan a theuh tur  
ang a thawk thei dawn lova. Hnam ropui tak, Sorkar ropui tak  
dinpui turin India Sorkar hian a sawm zui tawk a ni.  
Mahsela Pakistan lamah a kal ta tho a. Pakistan lam a a  
kirna hi ropui ka ti leh zual a. He ram Sorkar - ropui ni  
ngai tur a langah chawimawina zawng zawng hlawh a awm thei  
khan te zawk deuh leh chak lo zawk a lang lamah awm a duh  
zawk a. Chu chu mi rinaum tak a nihna niin ka hria a. Ama  
mite lamah chuan a duh leh Sorkar pawh ding se a kal loh hi  
kan zavain ropui kan tih ke ring. Chuvangin sawi loh theih  
niin ka hre lova. Pakistan pawh democracy Sorkarah a kal chho  
a. Military dictatorship in a lak dawn pawh khan India Sor-  
karin a hlauh avangin India ramah lo kir leh turin an ngen  
a ni. Mahsela kan ramah kan tih tur chu huaisen takin kan  
ti chho tur a ni a ti a. Military dectatorship duh lo tlat  
chung a awm lui ta tlat a nihna te hi ropui ka ti a. Harsatna  
karah pawh a tawn tur a zam lova kal zel a nihna hi hriat  
reng tlak a nih avangin chutiang ang mihring kan lo chan ta  
loh India zalenna sualtu dam hi kan nei tlem tawh em em a.  
Badshah Khan a hmung chanchinbu a alan apiang hian India  
zalenna hi kan hre chhuak thin. Chumi a hen boral ta hi kan  
chan duhawm hlein ka hria a. Chu chu ka han sawi duh a ni,

Ka lawm e.

SPEAKER : Aule, kan House Leader-in kan India mi pawimawh 6 kan chan tak te kan uizia a rawn sawi tawh a. Kan opposition hruaitute pawhin on sawi a. Member deng sawi duh nelte pawh kan la aum ngei ang a. Mahse kan mi sunte hi an thahnem deuh a, pakhat han sawi a, a dang hmaih vek kha a remchang lo deuh mai thoi a. Chuvangin hun te a duh hmem daun a, titaup mai ilo tha in ka hria. Anmahni kan chan tak a te hi mi ropui, khawvela lang tham te an ni a. Chuvang chuan keini pawhin kan ui a ni tih entirna atan House member te ngawi rengin minute khat anmahni sunna atan i lo ding ang u.

I thu ang u le. Aule, vawiin niah hian kan tin tur tlangpui chu kan zo thaw khat ah ngai ilo. Thu tlem han puan tur awmin ka hria a. A hmasa in gallery atang a ngaithla tute bengchhan hi danin a phal lova. Chu chu hria se ka duh a. Tin, tuna Pu Lianchia rawn sawi kha tuna kan dan hman lai hi UT dan kan chhawm kha a ni a. A kim lo em em a. Speaker direction te kan siam a. Kan dan te hi siam that a ngai a. Chuvang chuan anni pawh kha group ang a an kal loh theihna engemaw chen chu a aum a. Chuvangin kan rules committee pawh a rang lam a thut a ngai a ni.

Hei Committee hrang hrang kan nei thliah thliah a, a chairman te khan hma in lak chak leh House a chak a ni mai a. Chuvangin rules committee pawh a rang lam a thut a, siamthat ngai a piang siamthat a tulin ka hria.

Tin, nichina kan CLP Leader zahawm takin a rawn sawi chhuak, helaia kum chungchang thu ah khan typing mistake a nih ka ring a, min lo ngaidam se ka duh a.

Tin, helaia List of Business a a copy in ang lo tih hi ka lo hre ve hauh lova. Chuvangin hei pawh hi enquiry la turin ka ti a.

Tin, House-a Governor in a chhiar chhuah reng reng hi Governor in a chhiar chhuah hnuah Speaker in sem tur a tih hma loh chuan tu kutah mah a lut thiang lova. Kha kha khawi atang a lo lut nge ni, a lo pe chhuaktu pawhin an hriat loh vang a lo pe a ni nge, chu chu enquiry la turin ka ti a. An chungah dan ang a action lak turin ka ti a.

Tin, lehkha committee konna hi, kan dak pute pawh ka hriih fo thin a. Kan member-te pawhin hriih chiang leh ula. Nangmahni chenna in theuh hi dak runner kan nei tawh a. Chu chuan a rawn pe ang che ul Amaherawhchu in aum loh hlan pawhin a rawn pe thei a. Kha kha an lo pek theih-nghilh thei che u a. Chuvang chuan dak runner pawhin lehkha pawimawh a ni a, in lo pek loh chuan a mawh in phur ang, ti a hriih turin ka ti a. Kan member te pawhin lo hria ula.

PU VANLALNGHAKA : Pu Speaker, House information atan. He kan rules 24-naah pawh hian List of Business reng reng hi provisional

programme kha member te hnenah ni 7 hma in a thlang tur a ni a. Speaker-in tih danglamna a siam loh chuan tih a ni a. Minrawn pekah hian provisional calendar of sitting for the session commencing from 19th February, 1988 tih a ni a. Ni 15 a chhut a ni a. Pu Speaker, i hnen atang a ka dawn kha chu a hma hle si a. Secretariat lam hi chu an muang deuh a ni mai thei a. En fiah chu a ngai deuhin ka ring. Kan fimkhur deuh a ngai a ni.

SPEAKER : A ni khawp mai. A lawmawm e. Min, kan speech pawh hi ni 10 chhungin member hnenah pek a, ni 15 chhungin a correction kha kir leh tur tih a ni a. Chu pawh chu thia khat hnu ah te, thla hnih hnu ah te kan hmu thin a. Hei pawh hi kan staff indaih loh vang nge ni, chu pawh chu kari lo en ang a. Chutiang chuan ngaihtuah tur a tam dawn hlein ka hria.

Tin, in address chu chianguang zawk a lo pe turin ka chah duh che u a. Tin, Speaker ni Parliamentary party ah hian tel tur ka ni lova. Chuvang chuan MNF party a awm a, Congress a awm a, PC a awm a, MNF parliamentary party ah hian tel tur ka ni lova. Amaherawhchu House Leader-in tel ve tuf a min sawn chuan ka tel chauh ang a. Hei chu, Chair chu neutral tur leh non-party ang a awm tur ka nih avangin min ngai thiam ula. (Pu Lal Thanhawla'n zawhna a zawt) I zawhna chu chhan a har khawp mai a, a tul a thu a ni ang chu le.

Tin, question hour hian kan Minister hoten mahni department concern ah zawhna te a awm thei a. official gallery pawh kan ti lian tawh a. Chuvang chuan anni hi executive tute an nih avangin tel ngei turin order pawh khauh zawk a pe turin ka chah duh che u a.

Tin, tun tumah hian question a lut tam em om a. Mahse kan member ten dan hi kan zawm thin lova. Starred ~~ah bge kan duh~~ unstarred in tih kha engmah kan ziak thin lova, kan in ngaihnathiam a. Tunah pawh hian question a lut tam khawp mai. Ni khatah 12 approx. vel lak a lo ngai dawn a. Chu chu supplementary a awm phei chuan a tlangpuin 4/5 bak kan la thei lo mai thei a. Committee pawh a informal deuh pawh a kan committee pawh a la tul mai thei a.

Tin, chawhnu dar 1 hian balloting a awm dawn a. Private resolution a awm nual hlawn a. Chu chu a resolution neitu te kha in awm loh chuan Secretary room ah dar 1 ah hian in awm a tha in ka hria.

Tin, 20th February, 87 hi kan state day a ni a. Hnam ping zawk ten a kum 1-na, 25-na, 50-na leh 100-na hi an ngai pawimawh thin a, a kum khatna a nin vangin lawm loh theih a ni lova. Mahse naktuk holiday a nih plauh avangin kan Sorkarin a lawmna neih ve hrim hrim a tha tiin a lawmnan Thawhkan khi holiday ah a puang ve a. Chuvang chuan Thawhtan ni kan chawl dawn a.

Tin, kan PAC kha, hman ni an a  
awm ang ang an committee a, member an kim lova. Chumi avang  
chuan a provisional calendar kha tuna kan hman lai hie a  
peih lauk thei ta lo a ni. Engpawhnisela kan fin chhuah zel  
ang a. Chung kan sawi bakah chuan rawt duh nei in awm chuan  
kei chu sawtah hmuh theihin ka awm reng a. Tun tum erawh chu  
kan thu rei dawn bauk a, zalen deuhin kan awm dawnin a lang  
a. Kan Mizoram Assembly hi ram dang chanchin te ka-~~h~~ chhiarin  
khawvela House zahawm ber niin ka hria a. Tun tum kan session  
pawh hi maw hnai tak akan tling tlak ka duh a. Sorkar lampang  
pawh lo inral ring ve sela.

Awle, Thawhlejni ah Governor address  
kha kan sawino ang a. Vawina kan Business chu kan taup dawn  
tawh ang a.

\*PU VANLALNGENA : Pu Speaker, question chungchengah khan  
Lungleiah Chief Minister thah tumna a  
awm em ? tih ka zawhna kha a rawn lang  
ve tlat lo mai a. Kha kha a pawimawh e hle mai a. Engtizia a lo  
lang nge ni ? Min phal sak mai lawm ni ?

SPEAKER : Kan lo en ang e. Kan phal vek ang  
khatiang lam kha chu,

Awle, vawin kan hun chu hmang zo  
angah in ngai ila. Hemi zawh hian mahni hmun theuh ah thingpui  
inho te pawh in duh ka ring a. Chuvang chuan mahni hmun theuhah  
thingpui in turin kal ula. Kan business chu kan zo angah ngai  
ila. Thawhlejni zing dar 10:30 ah kan inkhawm, e leh dawn nie.

Ka lawm e.

\*speech not corrected.

Meeting adjourned at  
12:20 P.M.

J.K.KHENGLAWT  
Secretary.




GOVERNMENT OF MIZORAM

CABINET MINISTER WITH PORTFOLIOUS

1. Shri. Laldenga C.M : 1. Political & Cabinet Dept.  
Home  
General Administration Dept.  
Vigilance.  
Personnel & Administration Dept  
Planning  
Secretariat Administration Dept  
PWD  
Information & Public Relations  
Tourism.
2. Pu Zoramthanga : Finance  
Education & Human Resources  
Excise & Taxation
3. Pu Tamluia : Public Health Engineering  
Land Revenue & Settlement  
Relief & Rehabilitation
4. Pu Lalrinchana : Health & Family Welfare
5. Pu H Lalruata : Forest  
Soil Conservation
6. Pu Ngurchhina : Industry & Mining  
Rural Development  
Agriculture
7. Pu Rualchhina : Printing & Stationery  
Sericulture.

MINISTER OF STATE

1. Pu Tlangmingthanga : A.H & Vety  
Co-operative  
Trade & Commerce
2. Pu Baingura Sailo : Law & Judicial  
District Council Affairs  
Youth Welfare & Sports
3. Pu Aichhinga : Local Administrative Dept  
Power & Electricity
4. Pu Lalhlimpuii : Social Welfare  
Labour & Employment
5. Pu H Rammawi P Supply  
Transport.



LIST OF MEMBERS OF FIRST MIZORAM STATE LEGISLATIVE ASSEMBLY

No. & Name of Constituency	Name of Members.
1. TUIPANG	Pu HIPHEI
2. SAIHA	PUS. HIATO
3. SANGAU	PU H. RAMMAWI Minister of State.
4. LAWNGTLAI	PU. F. LALRAMLIANA
5. CHAWNGTE	PU. NIRUPUM CHAKMA
6. TLABUNG	PU. HARI KRISTO CHAKMA
7. BUARPUI	PU. P. LAKBIAKA
8. LUNGLEI SOUTH	PU. H. LALRUATA Minister
9. LUNGLEI NORTH	PU. L. NGURCHHINA Ministe-r
10. T. NIPUI	PU. P. SIAMLIANA
11. VIVVA	PU. K. THANFIANGA, DY Speaker
12. HNAITHIAL	PU. VANLALNGHAKA
13. N. VANLAIPHAI	PU. LALRINMAWIA
14. KHAMBUNG	PU. K. VANLALAUVA
15. CHAMPHAI	PU. ZORAMTHANG-A Minister
16. KHAW-HAI	PU. R. LALAWIA
17. BAITUAL	PU. ANDREW LALHERLIANA
18. KHANZ. WL	PU. TAWNLUIA Minister
19. NGOPA	PU. ZOSIAMA PACHUAU
20. SIANCIJILAWN	PU. VANLALNGENA
21. RATU	PU. LALRINCHHANA, Minister
22. KANPUI	PU. LALKHEWNGHINGA
23. KOLOIB	PU. AICHHINGA, Minister of State.
24. BILBETHLIR	PU. VANLALHRUMIA
25. LOKHETRA	PU. J. THANGHUMI, Speaker.
26. KERTHAF	PU. SAIKAPTHIANGA.
27. M. IT	PU. K. ZAHUNGLIAN..
28. TULDUNGSEI	PU. LIANSUMA.

29. SATEEK	PU THANKIMA
30. SERCHHIP	PU LALTHANHAWLA
31. LUNGPHO	PU K L LIANCHIA
32. TLUNGVEL	PU. P.C.ZORAMSANGLIANI
33. AIZAWL NORTH I	PI. LALHLIMPUII Minister of State
34. AIZAWL NORTH II	PU LALBENGA CHIEF MINISTER
35. AIZAWL EAST I	PU. SAINGURA SAILO Minister of State
36. AIZAWL EAST II	PU. ROKAMLOVA
37. AIZAWL WEST I	PU. H. HRANGDAWLA
38. AIZAWL WEST II	PU. RUALCHHINA Minister
39. AIZAWL SOUTH I	PU. R. TLANGMINGTHANCA Minister of State
40. AIZAWL SOUTH II	PU. CHAWNGZUALA.

A CHHUNGA THU AWMTE

I.	Thutkhawm vawi 1-na - 19.2.88 (Zirtawpni)	Page No. 1
	List of Business for the day	1
	(1) Motion of Thanks	3
	(2) Mitthi sunna	3
II.	Thutkhawm vawi 2-na - 23.2.88 (Thawhlejni)	
	(1) List of Business	17
	(2) Zawhna leh chhanna	19
	(3) Panel of Chairman-a member ruatte puanna	36
	(4) BAC Report pharhna	37
	(5) Laying of Paper	39
	(6) Motion of thanks sawihona	40
III.	Thutkhawm vawi 3-na - 24th Feb., 88 (Nilaini)	
	(1) List of Business	84
	(2) Zawhna leh chhanna	84
	(3) Motion of Thanks sawihona	105
IV.	Thutkhawm vawi 4-na - 25.2.88 (Ningani)	
	(1) List of Business	141
	(2) Zawhna leh chhanna	142
	(3) Private Members Resolution	163
V.	Thutkhawm vawi 5-na - 29.2.88 (Thawhtanni)	
	(1) List of Business	236
	(2) Zawhna leh chhanna	237
	(3) Government Assurance Committee Report pharhna	256
	(4) Bill pharhna leh bukna	256
VI.	Thutkhawm vawi 6-na - 1.3.88 (Thawhlejni)	
	(1) List of Business	271
	(2) Zawhna leh chhanna	271
	(3) Bill sawihona leh bukna	291
VII.	Thutkhawm vawi 7-na - 2.3.88 (Nilaini)	
	(1) List of Business	315
	(2) Zawhna leh chhanna	316
	(3) Laying of Papers	318
	(4) PAC Report pharhna	338
	(5) Committee of Privilege report-pharhna	338

VIII.	Thutkhawm vawi 8-na - 3.3.88 (Ningani)	Page
	(1) List of Business	339
	(2) Zawhna leh chhanna	340
	(3) Annual Budget leh Supplementary Demand pharhna	365